



Aqqalu C. Jerimiassen
Atassut

UKA 2021/17
30. september 2021

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat.

(Aningaasaqarnermut Nunamullu Namminermet Naalakkersuisoq)

Sulinermet tunngatillugu akeqanngitsumik ajunngitsorsiaqartitaasarneq eqqarsaatingalugu saqqummiunneqartoq isumaqataanartorta qarpoq nalimmassaasariaqartarnerit eqqarsaatingalugit.

Illuatungaani illi akeqanngitsumik sulinermet atatillugu oqarasuaateqartitaanerup ilumut ukiumut kr.6.000-imiittariaqarnera apeqquuserneqarsinnaavoq, maannakkummi oqarasuaateqarneq annertungaatsiartorsuarmik akitigut ukiuni kingullerni apparsaavigineqarnikuuvoq. Taamaalilluni, oqarluannaraanni akeqanngitsumik sulinermet atatillugu oqarasuaateqartitaanermiik nammineq peqaannaraanni akilersinnaanerupajaalerluni.

Assersuusioraanni, maanna Telepostimiik akigitinneqartut “Tusass Suliffeqarfinnut” qaammammut kr.499-eqarpoq, piumangaannilu Tusassplus nalinginnaasoq atoraanni qaammammut kr.199-eqarluni. Tassa imaappoq, atorfilittarisamut taakkua arlaat atortissangaanni tamarmik ukiumut kr.6.000 ataallugu tamarmik akeqarput. Taamaalilluni taannartaa eqqarsarnarsinnaavoq, soq taava kr.6.000-imiiginnassava?

Akeqanngitsumik oqarasuaateqartitaanertuulli maanna akeqanngitsumik interneteqartitaaneq apeqquuserneqarsinnaavoq, tassami maanna akigitinneqartut qiviaraanni oqarasuaateqartitaanertuulli ukiumut kr.6.000 ataallugu akeqarsinnaammata, akilu taanna aaliangersimasuulluni atuinermut akit atorunnaarnikuummata.

Inummut ilanngaat maanna kr.48.000-imiittoq nutaamik eqqarsarfigineqartariaqarpoq, maannakkutummi akileraartarneq inissisimasoq qiviassangaanni ilanngaat isertitaqarpiarsimannigikkaanni akileraarutit sippuutaanik utertoornissamut ajornanngitsuararsuarmik aqqutissiuussisuuvoq. Ukiullu naaneri tamaasa malitsigisarpaa akileraarutit sippuutaanik utertoortorpassuit, taannalu anguniarlugu sulinerminnik allaat unitsitsisartut utertoorsinnaanissartik anguniarlugu.

Inummununa akileraarut apparsangassaasoq, malittaani inummut ilanngaat milliartuaartillugu.

Akeqanngitsumik suliarlorluni ineqartitaasarneq qanganitsersimasoq Atassummiit isumaqarpugut, maannalu piffissanngorsoraarput suliarlorluni allamut nuukkaanni inissiffiungallartumut akigitinneqartoq inigisap nalinga malillugu akeqartinneqaannartassasoq, pequseriigaappat pequteqanngippalluunniit.

Malungaluguli, peqquteqavissumik suliarortut, assersuutingalugu politiit, qatserisartut, nakorsat assigisaallu sulii akeqanngitsumik ineqarsinnaanissaat eqqanaaruteqarfingalugu.



Akilerartussaataitaanikkummi sooq allaffissuutaasariaqarpa, ini suliarlorluni inissiffingallagaq attartorallarnermut akiliummik piliiffigineqarsinnaappat?

Akisussaaffik qitiusumut aningaasanut nakkaasunut ilinngikkaluarlugu, akeqanngitsumik ajunngitsorsiatut ineqartitaasarneq atorunnaarsinneqaannarsinnaavoq, toqqaannartumillu suliarortoq kinaangaluarnersoq inissiffigigallakkaminut toqqaannartumik akiliuteqaannartarsinnaappat?

Taamatut oqaaseqarluta Atassummiit siunnersuut aningaasaqarnermut akilerartarnermullu ataatsimiitsitaliamut suliarineqarnissaa innersuupparput.